



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Su 19 de Austu su MuA - Museo e Archivio Sinnai impari a s'Assòtziu Ardesia e a su Tzirculu Legambiente "Su tzinnìbiri" de Sìnnia ant apariciu "Perseidi", unu acuntèssiu chi s'agatat de su 2015 e chi ocannu at biu s'abisita ghiada de s'àrea SIC de "Santu Barzolu" in is logus de Sìnnia.

S'abisita est partia de sa cresiedda de Santu Bartzolu po intrai agoa in s'àrea SIC (de s'italianu Sito di Interesse Comunitario) innui ddoi funt is duas digas, sa prus antiga e sa prus noa.

In su 1891 s'aministratzioni comunali iat donau su doveri a s'ingennieri Gustavo Ravot de fai unu progetu po una diga noa in su logu de Bruncu sa Cresia, cun sa tancadura de s'arriu Santu Bartzolu. Is traballus funt stètius fatus de s'impresa de Carlo Barbera e su 15 de Argiolas 1984 si fiat oberta s'òbera chi iat essi sustentau Sìnnia po dexas de annus cun unu ghètidu de àcua in sa Pratzza de su Municìpiu, oi connota comenti Pratzza de Crèsia. Oi puru si podit biri su murallioni de sa diga e s'apostu de is filtras, unu giassu de ingegneria tzivili de importu stòricu.

A sa metadi de su de 20 sèculus, su Comune de Sìnnia iat detzidiu de fai unu serbatòiu nou prus in artu de s'atru, in su logu de Cuili Is Cocus. Is traballus funt acabaus su 15 de Maju de su 1969 e est stètiu fatu unu serbatòiu po s'àcua de giai 10 km, a una artària de 277 m a pitzus de su mari cun una portata màssima de 300 m/s.

Sa diga de Santu Bartzolu est sa prus tancadura antiga in Sardìnnia chi traballat ancora e chi sighit a sustentai sa bidda de Sìnnia.

Totu su logu est spantosu meda, is matas crescint birdis e bellas mancais sa basca de s'istadi, custu poita s'àcua de custu logu at fatu unu "microclima" prus pagu bascosu. Totu s'àrea est habitat puru de unu muntoni de animalis chi innoi agatant su logu ideali po issus e totu.

Custa abisita at permitiu a is chi ant pigau parti de connosci unu logu chi giai nemus connoscit, mancu sinniesus meda.